



Ilisimatitsissut Allakkiaq

Ilanngussaq 10

Uunga Sanaartornermut Ataatsimiititaliaq
uunga.

1 november, 2013
Suliani nr. 2012-064021
Upp.nr. 1354401

Postboks 1160
Oqa: 34 50 00
Allakkasuartaat: 32 55 05
3900 Nuuk
Email: pn@nanoq.gl
www.nanoq.gl

Nuummi containerinut umiarsualivimmik pilersitsinissaq pillugu aalajangiiffigisassatut siunnersuutip UKA2013-mi Inatsisartunit suliarineqarneranut ilisimatitsissut.

Nuummi umiarsualiviup allineqarnissaa pillugu aalajangiiffigisassatut siunnersuutip tusarniaassutigineranut atatillugu tusarniaanermi akissutinik arlalinnik takkut-toqarsimavoq, aalajangiiffigisassatut siunnersuummut ilaatillugit nassiunneqartunik. Manna tassaavoq akissuteqaat, tusarniaanermi akissutini saqqummiunneqartunut isornartorsiuinernut isummersortoq.

Royal Greenland A/S-imiit, Kalaallit Nunaanni Sulisitsisut Peqatigiiffiannit, Qeqqata Kommunanit aamma Kommune Kujallermit tusarniaanermi akissutit tiguneqarsimapput. Tusarniaanermut piffissaliussap naanerata kingorna aamma Kommuneqarfik Sermersuumit kiisalu Inuussutissarsiornermut, Aatsitassanut Suliffeqarnermullu Naalakkersuisoqarfimmit tusarniaanermi akissutit tiguneqarsimapput.

Tulliuttumi tusarniaanermi akissutit pineqartut misissorneqarput, annikinnerpaajusut aalarnertigalugit:

Kommuneqarfik Sermersooq

Kommuneqarfik Sermersooq aalajangiiffigisassatut siunnersuummut nassiunneqartumut annertuutigit isumaqataavoq, oqaaseqaataallu allakkiami matumani annertunerusumik suliarineqassanngillat.

Inuussutissarsiornermut, Aatsitassanut Suliffeqarnermullu Naalakkersuisoqarfik

Naalakkersuisoqarfiup maluginiarpa taamatut ineriartortitsinissamut isumaqataalluin-nartoqartoq, tassa nunatsinnut, nunatsinniit aamma nunatta iluani usinik pilersuiner-mi unammilleqatigiissinnaanermik tamanna periarfissiissammat, IASN-imit nalilernerqarpoq tamatuma Kalaallit Nunaat akikinnerusumik naammassisaqarfiunerusumillu pilersuisin-naatilissagaa. Naalakkersuisoqarfiuttaaq oqaatigaa tunngavilersuut tamanna aalajangiif-figisassatut siunnersuummi qitiulluinnartoq, taamaammallu saqqummiunneqartari-aqartoq. Naalakkersuisut Siulittaasuata Naalakkersuisoqarfiani tamanna tusaatissatut tiguneqarpoq, qitiusutullu tunngavilersuut taanna aalajangiiffigisassatut siunnersuummut ilanngunneqarpoq. Naggataatigit Naalakkersuisoqarfiup oqaatigaa, Nuummi Umiarsuali-vik Sisimiunilu umiarsualivik pillugu suliniutit piviusunnogoreeraluartut, taava Kalaallit Nu-naata imartaani uuliasiorluni qillerinissamut uuliasiorfiit soqutiginniinnarnissaannut tamanna naammaqqajanngitsoq. Naalakkersuisoqarfiup siunnersuutigaa nunami umiar-sualiviit allat qulaajarlugit misissuiffigineqassasut sutigullu allatut suliniuteqartoqarsin-naanersoq nalilersorneqassasoq. Nassuiaatit tamaasa ataatsimut isigalugit pitsaasuup-

put Nuummi umiarsualiviliornissamik Naalakkersuisut kissaateqarnerannut ikorfartuutaasut, tamanna ilutigalugu kaammattuutigineqarpoq umiarsualiviit sorliit ilu-aqutaasumik allilerneqarsinnaanersut eqqarsaatigeqqinneqassasoq. Naalakkersuisut eqqarsaasersuutit taakku isumaqatigaat, taamaammallu umiarsualivinnut nunami tamarmi umiarsualivitsigut ineriartorfiusinnaasunut tunngatillugu, illoqarfinni nunaqarfinnilu, immikkoortukkaartumik pilersaarut annertoq suliaralugu aallartillugu. Suliamut tassunga soorunami aamma ilanngunneqarpoq inuussutissarsiutit ineriartorfigisinnaasaat, tassa attaveqaatit tassunga atatillugu qitiulluinnarmata.

Najukkami sanaartornissaq eqqarsaatigalugu umiarsualiviit pillugit siunnersuisoqatigiit umiarsualiviit pillugit najukkami soqutigisaqatigiinnik inuttaqartut pilersinneqarnissaat eqqarsaatigineqarsinnaavoq. Siusinnerusukkut taamatut ittumik siunnersuisoqatigeqarnikuvoq, takkutarneralli killeqarluni. Ullumikkut Nuummi umiarsualivimmik atu-isartut akornanni ingerlaavartumik ataatsimiittoqartarpoq, taakkunani umiarsualivimmuut tunngatillugu kissaatigisat kiisalu siunissamut kissaatigisat oqaluuserineqarlutillu pingaarnersiorneqartarput.

Nunatsinni Sulisitsisut Peqatigiiffiat

Piginnaasatigut ajornartorsiutaasunut aqqiisutaasinnaasunut Nuummi umiarsualiviup allineqarnissaa pillugu aalajangiinermi GA annertuutigit isumaqataavoq. Nuummi umiarsualiviup atornerarneranut akinik inissiinerup nunatsinni umiarsualivinnut allanut naleqqiullugu minnerulersinnginnissaata pingaaruteqarnera oqaatigineqarpoq.

Ajornartorsiut taanna umiarsualivik pillugu inatsimmi nutaami eqqartorneqarpoq, taanna UPA2014-mi saqqummiunneqassasoq naatsorsuutigineqarluni. Kalaallit nunaanni umiarsualivinnik atuneq pillugu piviusumik akitsuutigit maannakkut aqqissu-ussaqaanngilaq, paarlattuanilli nunarsuarmi umiarsualivinni allani tamani aqqissu-ussaqaarluni. Taamaattumik siunniunneqarpoq umiarsualivimmi akitsuut eqqunneqassasoq. Akitsuutit tamarmik aamma umiarsualivinni namminersortuni Naalakkersuisunit akuerineqartassapput.

Akiliutigitinneqartartussat aalajangersaavigineqassapput akiliutigitinneqartartussat, umiarsualiveqarfimmik ingerlatsinerumut attuumassuteqartunit isertitat allat ilanngullugit isertitarineqartartussat, umiarsualiveqarfimmik taassumalu nunami atortulersuutitaanik sanaartornermut aamma ingerlatsinerumut aningaasartuutigineqartunut naapertuuttumik, aammattaaq erniat umiarsualiveqarfiullu nunami atortulersuutitaata nalikillilivigineqartarnerinut tunngasut naatsorsuineri ilaatinneqassapput.

Umiarsualiveqarfinnik atuinermut akiliutigitinneqartartussat angissusissaannik aalajangersaanermi sapinngisamik qularnaarniarneqartassaaq, akiliutigitinneqartut angissusiligaanerat pissutigalugu umiarsualiveqarfiit namminersortut aamma Namminersorlutik Oqartussat kommunillu umiarsualiveqarfiutaasa akornanni unamillernerup nalingiinngitsumik atugassaqaarfiulernissaa pinaveersaartillugu.

Tamanna tunuliaqutaralugu naliliisoqarpoq GA-p tusarniaanermi akissummini erumasutigitisaanut sillimasoqartoq.

Royal Greenland A/S

- piffissami sivilisinerusumi assartuineq

Royal Greenlandimit oqaatigineqarpoq Nuummi umiarsualiviup allineqarnissaanut tunngavilersuutip annertunersaa nunap iluani pilersuinerumik tunngaveqartoq, avammut niuernerumik ingerlanneqartumik tunngaveqarnani. Taamaattumik suliffeqarfiup erumassutigai umiartoriaatsit nutaat avammut niuernerumut qanoq kinguneqassanersut, aamma usinik kujammut ingerlasunut assartuinerumik piffissaq sivitsorneqassanersut, taamalu pissutsit ajornerulersillugit. Tunngavilersuutit pingaarnert ilaat tassaavoq umiarsuit atlantikoorutit ataatsimik ikinnerulernissaannik pilersaaruteqarneq, taamaalilluni siunissami pingasut pinnagit marluinnaat naammagineqarlutik. Royal Greenlandip isumaliutersuutigaa umiarsuit ikinnerusut kingunerissagaat aallartarnerit ikinnerulissasut,

taamaallunilu assartuineri piffissaq sivisunerulerluni. Tamannali eqqunngilaq. Soorlu tabel 1-imi ataaniittumi takuneqarsinnaasoq, umiarsualivik nutaaq piviusunngortinneqassappat Kalaallit Nunaanni illoqarfinit amerlanerit siumut utimullu assartuineri piffissaq sivikinnerulissaaq.

| Ulloq unnuarlu tamaat assartuineri piffissaq atorqartartoq | Aalborgimit -mut | | Aalborgimut -mit | |
|--|------------------|-----------|------------------|-----------|
| | 2013 | 2017 | 2013 | 2017 |
| Nuuk | 7 | 6 | 7 | 6 |
| Nanortalik | 12 | 10 | 15 | 10 |
| Qaqortoq | 11 | 9 | 16 | 11 |
| Narsaq | 11 | 9 | 16 | 11 |
| Paamiut | 10 | 8 | 17 | 12 |
| Kujataani agguaqatigiissillugu | 11 | 9 | 16 | 11 |
| Maniitsoq | 13 | 7 | 14 | 13 |
| Sisimiut | 11 | 8 | 9 | 12 |
| Aasiaat | 10 | 9 | 10 | 11 |
| Uummannaq | 13 | 11 | 12 | 13 |
| Upernavik | 14 | 12 | 15 | 13 |
| Qasigiannuit | 14 | 10 | 13 | 10 |
| Ilulissat | 14 | 10 | 13 | 10 |
| Qeqqa/Qeq.Tunua/Avannaa agguaqatigiissillugit | 13 | 10 | 12 | 12 |
| Tasiilaq | 13/5 | 12 | 15 | 14 |
| Ittoqqortoormiit | 13/5 | 13 | 14 | 14 |

Tabel 1 – Royal Arctic Line-mit suliarineqartoq – Tunumi illoqarfiit marluk ullumikkut ilaatigut Nuummiit Aalborgimiillu pilersorneqarput. Taamaattumik kisitsisit marluupput – Nuummiit pilersorneqarunik avannamut sammisumik ullut 13-iupput, Danmarkimiilli toqqaannartumik pilersorneqartillutik ullut tallimaannaallutik. Aaqqissuussineri nutaami taamaallaat Nuuk aqutqalugu pilersuisoqarnissaa siunniunneqarpoq.


- assartuineri akit qaffasinnerusut

Enumassutaasoq alla Royal Greenlandimit qaqinneqartoq tassaavoq assartuineri akit qaffasinnerulernissaat. Tassani oqaatigineqarpoq Royal Arctic Line isumannaallisarniarlugu assartuineri akit 2011-mi 1,5 %-imik qaffanneqartut, soorlu aamma aningaasaliinernut akiliutit 3,1 %-it 2011-mi atulersinneqartut. 2011-mi assartuineri akit 1,5 %-imik qaffanneqarneri eqqunngilaq – assartuineri akinik qaffaaneq kingulleq 2008-mi naammassineqarpoq, taamani akit agguaqatigiissillugu 5,8 %-mik qaffanneqartutik (tunisassiali assigiinngitsut akornanni assigiinngissitsisoqarluni). Taamanili assartuineri akit iluarsineqanngillat, tassa nalinginnaasumik akit ineriartornerat RAL-ip iluani pisariillisaasoqarneratigut aaqqiiffigineqarmata. Qanittukkulli assartuineri akit iluarsiffiginissaannik RAL-imit kissaateqarneq saqqummiunneqassaaq, Nuup Umiarsualiviata aningaasalersornissaannut attuumassuteqanngitsaq, kisiannili inuiaqatigiinni nalinginnaasumik ineriartornermut taamaallaat attuumassuteqartoq.

Nuup Umiarsualivia eqqarsaatigalugu eqqorpoq assartuineri akitigut ilaannakuusumik aningaasalersuisoqassagunartoq. Umiarsualivik nutaaq naatsorsuutigineqarpoq ukiumut 32,5 mio. kr.-it missaannik RAL-imut sipaarfiussaq. Aningaasalersuinerimullu ukiumut

30 mio. kr.-it missaannik sulii nassaarniartoqartussaassaaq. Aningaasartuutissat taakku qanoq aningaasalersorneqassanersut sulii aalajangiiffigineqanngilaq, eqqorporli periarfissat ilaat tassaammat assartuinermit akit qaffanneqarnissaat. Qaffaat taanna qanoq agguarneqassanersoq sulii aalajangiiffigineqanngilaq, aalajangersimalluinnarporli Naalakkersuisut aalajangiisussaammata.

Ernumassutitut saqqummiunneqartumut oqaaseqaat kingulleq tassaavoq ullumikkut umiarsualivimmi naammassiuminaatsut annertuut kingunerissammassuk assartuinermit akit qaffannerat, umiarsualiviup allineqannginnissaa pillugu aalajangiisoqaraluarpalluunniit. Missiliuinerup kingulliup, 2013-imi maajip qaammataani suliarineqartup, Nuup Umiarsualiviata inuiaqatigiit aningaasaqarnerannut sunniuteqaatissanik naliliinermit ilaatinneqartup takutippaa, umiarsualivik maannakkut allilerneqarani 2021-mi allilerisoqarpat assartuinerup annertussusia qaffassasoq (takussutissiaq 1 ataaniittoq takujuk).



Takussutissiaq 1 – uannga tiguneqarpoq: Nuup umiarsualiviata Inuiaqatigiit aningaasaqarnerannut kingunerisassanik nalilersuineq, Maj 2013.

Kommune Kujalleq

Siunissami kiffartuussinerup qaffasissusissaa Kommune Kujallermit ernumassutigineqarpoq annilaagassutigineqarlunilu nunami umiarsualiviit allat pingartinneqarneri appassasut. Nuummi umiarsualivik nutaaq aallaaviatigut illoqarfinnut allanut ajornerulersitsinermik kinguneqassanngilaq – takuuk Royal Greenlandimut akissuteqaat. Umiarsualiviit allat ineriartortinneri eqqarsaatigalugit umiarsualiviit pillugit immikkoortumi pilersaarummut innersuussisoqarpoq, taanna 2014-mi apriliip naanerani naammassissasoq naatsorsuutigineqarpoq.

Kommune Kujalleq taakku saniatigut Qeqqata Kommuniata tusarniaanermi akissutaani saqqummiunneqartunut ernumassuteqaqataavoq (takuuk ataaniittoq).

Qeqqata Kommunia

Qeqqata Kommunia isumaqarpoq umiarsualiviup allineqarnissaa nunap sinneranut ajorluinnassasoq, tamatumunngalu tunngavilersuutit 15-it saqqummiullugit. Taakku ataani sammineqarput:

1. Nunap immikkoortui nunanit allanit toqqaannartumik tikinneqassaassapput
2. Nunap immikkoortuini ineriartorneq killilerneqassaaq
3. Nuuk ungasingaatsiarlugu aalisartoqartarpoq, maannali atugassarititaasut ajorseriassapput
4. Nuuk ungasingaatsiarlugu uuliasiortoqarpoq, maannali atugassarititaasut ajorseriasapput
5. Aatsitassarsiorneq Aluminiumillu aatsitsiviliorniarluni suliniut illoqarfinnut nunaqarfinnullu aqqusinermik atassuserneqarsinnaasut Nuummi ingerlanneqarani nunami piffinni assigiinngitsuni ingerlanneqarpoq, pilersaarutinullu taakkununga ataatsimoorumik umiarsualiveqarnissaq ineriartortissallugu ajornakusuulerpoq.
6. Umiarsuit takornariartaatit tikittartut amerliartuinnarnerat Nuup avataani pivooq, anner-tuumilli aningaasaliissuteqarnikkut atugassarititaasut pitsanngoriarnaviangillat
7. Kitaani illoqarfinnut tikittartut ikileriassapput
8. Nuummi sanaartortoqaqaaq, nunalli sinnerani sanaartugassaaleqisoqarluni
9. Assartuineq pillugu Ataatsimiititaliarsuup sanaartornissamik takussutissiaa annikinerusumik nalilerneqarpoq
10. Usit annertussusiinik missiliuineq paasissutissanik nutaanngitsunik tunngaveqarpoq
11. Inuusutissarsiuutigut pitsaasumik ineriartortitsineq aallaaviginagu nuna naligiinngitsumik kisermaassisumillu aqunneqartoq aallaavigalugu usit annertussusilerneqarput
12. Naalakkersuisoqarfik RAL-ilu ilisimannillutik Nuup umiarsualiviani usit annertussusaannik pingaarnersiunerat
13. Namminersorlutik Oqartussat aktianik piginneqatigiiffiutaa kisermaassiffiusoq aamma alla, ilaatigullu aamma Nuummi akuerisaasoq
14. Nuummi sanaartornissamut ataatsimoorumik aningaasaliissuteqareernerme akiitsut akilerneqareerpata, akit eqqortut atuutilissapput.
15. Attaveqarnermut Naalakkersuisoqarfiup, Kommuneqarfik Sermersuup aamma Assartuineq pillugu Ataatsimiititaliarsuup siunnersortai nalaatsornikkut pisut

Oqaluuserisaq 1 Nunap immikkoortui nunanit allanit toqqaannartumik tikinneqassaassapput

Tabel 1-imut innersuussisoqarpoq – tassannga takuneqarsinnaavoq umiarsualiviup nu-taap malitsigisaanik nutaamik assartuinerit ingerlatilernerisigut illoqarfiit ajornerusumik inissisimalissanngitsut. Akerlianilli illoqarfiit tamarmik siunissami piffissaq allanngunngit-soq imaluunniit ullumikkormit sukkanerusumik usit tigusalissuaat. Illoqarfiit ilai ullumik-kumut naleqqiullugu ullut pingasut sisamat tikillugit sukkanerusumik usinik tigusisalis-sapput.

Oqaluuserisaq 2. Nunap immikkoortuini ineriartorneq killilerneqassaaq

Qeqqata Kommunianit tunngavilersuutigineqarpoq assartuinerme piffissap sivisuneruler-nera Nuup avataani tikinneqartussanut allanut tamanut ajortumik kinguneqartitsissasoq. Tassani kingumut tabel 1-imut innersuussisoqarpoq. Aammattaaq isumaqartoqarluni Nuummi usit allamut usilersuunneqarnerisa kingunerisaannik akisunerulissasoq, tassa Nuummi usit akiitsuuteqarmata. Tassani oqaatigineqassaaq akitsuutit aqqissugaaneri suli aalajangersarneqanngimmata. Taamaalluni piviusumik usit aqqusaaruuneqartut tassunga ilaatinneqassanersut aamma aalajangiiffigineqanngilaq. Eqqorpoq Nuummi nioqqutissanut umiarsuarnullu akitsuutit atulersinnissaat eqqarsaatigineqarmat, aam-mattaaarli eqqarsaatigineqarsinnaalluni illoqarfinni allani arlalinni aamma akitsuutit atuler-sinneqartut, taamaalluni umiarsualiviup aalajangersimasup atorineqarnissaanut ka-jumissuseq akitsuutip qaffasissusianik sunnerneqarnani.

Oqaluuserisaq 3. Nuuk ungasingaatsiarlugu aalisartoqartarpoq, maannali atugassariti-taasut ajorseriassapput

Qeqqata Kommunian isumaqarpoq assartuinerme piffissat allanngornerisa malitsigisaan-nik aalisakkeriviit ajornerusumik atugaqalissasut. Tabel 1 naapertorlugu taamaattoqas-sanngilaq. Aammattaaq isumaqartoqarpoq usit avammut niuernissamut tunniunnissaat

ajornarnerulissasoq, tassa illoqarfinnut umiarsuit angisuut tikittarunnaassammata. Tamanna eqqunngilaq. RAL ilisimatitsivoq umiarsuit pilersuisut 2017-miit Kalaallit Nunaannukartartussatut naatsorsuutigineqartut tassaasut umiarsuit marluk Mary-tut angitigisut, tassa umiarsuaq taanna Ilulissanut pulasinnaasoq (takissutsini pissutigalugu) aamma Qaqortumut (itsinera. pissutigalugu). Mary Arctica 600 TEU-voq ullumikkullu Atlantikoorutaalluni. Taamaalilluni avammut niuertunut ajortumik allaassuteqassanngilaq.

Aammattaaq oqaatigineqarpoq nunat allamiut kilisaataataasa siunissami Nuup umiarsualivia atulissagaat, tassa tassani nunanut allanut toqqaannartumik atassuteqassammat, taamaalillunilu usit ingerlateqqillugit assartorneri akikinnerussallutik. Illoqarfinnut tamanut assartuinerup aqqissuunneqarnera pitsaanerulissammat taamatut oqaaseqarnissamut tunngavissaqanngilaq. Akit eqqarsaatigalugit passusineq pillugu akit allannortinnissaat maannakkut siunniunneqanngilaq, taamaattumik nunat allamiut kilisaataataasa illoqarfiit allat atornerisigut taakkununnga akisunerulissasoq qanoq isumaqarnerisooq erserluppooq.

Oqaluuserisaq 4. Nuuk ungasingaatsiarlugu uuliasiortoqarpoq, maannali atugassaritaasut ajorseriassapput.

Qulequtaq taanna pillugu Qeqqata Kommunia itisiliinngilaq, taamaattorli Nuummi umiarsualiviup ineriartornerata uuliasiorneq ajortumik sunnerpasinngilaa. Nuummi containerinik assartuiffiup allineqarnera nunami suliniutinut allanut sunniuteqassanngilaq – aamma uuliamik misissuinerlut.

Oqaluuserisaq 5. Aatsitassarsiorneq Aluminiumillu aatsitsiviliorniartuni suliniut illoqarfinnut nunaqarfinnullu aqqusinerimik atassuserneqarsinnaasut Nuummi ingerlanneqarani nunami piffinni assigiinngitsuni ingerlanneqarpoq, pilersaarutinullu taakkununnga ataatsimoortumik umiarsualiveqarnissaq ineriartortissallugu ajornakusuulerpoq.

Qeqqata Kommuniata oqaatigaa, illoqarfinnut qanittuni aatsitassarsiorfinnut tunngatilugu allanut sunniutissaralutit RAL-ip umiarsuarinik assartuisussaataitanerani ajornanngortinneqassasut, tassamigoq paaavinnut assartukkat tamarmik Nuuk aqqusaaqqaartussaagamikku. Siullertut oqaatigineqassaaq RAL-imut akuersissut sulianut annertuunut atuutinngimmat. Eqqorpoq Kalaallit Nunaanni illoqarfinniit siumut utimullu usinik assartuinissamut RAL kisermaassisummat, annertuunillu sulianut pilersaarutinut atatillugu illoqarfimmi ataatsimi umiarsualiviliortoqassappat – assersutigalugu Maniitsumi aluminium pillugu pilersaarummut atatillugu, tamanna akuersissummut atatillugu sillimaffigineqartussaassaaq. Tamannali Nuummi umiarsualivimmut atuumassuteqanngilaq.

Aappaatut umiartornissap ilusissaatut saqqummiunneqartoq aqqissuussinerunngilaq paarnaqqasooq, tamanna naleqqunnerussappat siumut sammisumik allannortinneqarsinnaanngilaq. Aqqissuussineq saqqummiunneqartoq pilersuinerup pitsaanerulernissaanut aalisakkanillu avammut niurernerup qulakkeerneqarnissaanut annerusumik ineriartortinneqarsimavoq. Suliat annertuut pillugit pilersaarutit immikkoorluinnartuupput, tamannalu nalinginnaasumik pilersuinerlutit ilanngunneqarpat, taava tassunga atasumik sunniiveqatigiinnermik pissuteqarsimassaaq.

Pingajuattut suliat annertuut pillugit pilersaarutinut atatillugu umiarsualiviit illoqarfimmut qanittumut inissinneqassanersut nalunarpoq. Manna tikillugu umiarsualiviit aatsitassarsiorfinnut qanittumi sananeqartarput. Taamaalilluni Nalunami paaaffik namminerisaminik umiarsualiveqarpoq – tassani Nanortalup umiarsualivia atorneqarsimanngilaq. Pilersaarutit allat maannakkut pilersaarusiorneqartut illoqarfinni umiarsualivinnik atuisanersut suli siusippallaarpoq oqaaseqarfigissaallugit. Erseqqilluinnarporli containerinut Nuummi umiarsualiviup allineqarneratigut suliat annertuut pillugit pilersaarut umiarsualivimmik illoqarfimmut qanittumik atuinissamut sunniuteqartussaangitsooq.

Oqaluuserisaq 6. Umiarsuit takornariartaatit tikittartut amerliartuinnarnerat Nuup avataani pivoq, annertuumilli aningaasaliissuteqarnikkut atugassarititaasut pitsanngoriarnavi-annngillat

Eqqorpoq umiarsuit takornariartaatit Nuummi taamaallaat atugassaat pitsaanerulissammat, tassa Nuummi umiarsualivimmu tikinnissamut inissaqarnerulissammat. Ullumikkut umiarsuit takornariartaaterpassuit talittarfimmiinnatik Nuutoqqap saavani kisarsimasarput, kisiannili containerinik passussineq tamarmi umiarsualivimmu nutaamut nuunneqartussaassammat maannakkut umiarsualivimmi ilaatigut ilaasunik angalassinernut inissaqarnerulissaaq. Aamma ilumoorpoq Nuummi umiarsualiviup allineranut maanna atorneqartussanut aningaasanut sumiiffinni allani umiarsuarnut takornariartaatinut pissutsit pitsaanerulersinneqarsinnaammata, pilersaarutilli assersuunneqar-nissaat ajornakusoorpoq, tassa umiarsualiviup allineqarnera pisussaammat pilersuini-kut aaqqissuussineq tamarmiusoq pitsaanerulersinniarlugu, tamanna aamma Qeqqata Kommunini innuttaasunut iluaqutaasussaalluni. Allilerineq pisussaannngilaq umiarsuarnut takornariartaatinut pissutsit pitsaanerulersinnissaat siunertaralugu, kisiannili assartu-nermi akit sapinngisamik appassisumiittinniarlugit.

Oqaluuserisaq 7. Kitaani illoqarfinnut tikittartut ikileriasapput

Qeqqata Kommunian allappoq ullumikkut sapaatit akunneri tamaasa pisarnermiit siunisami ullut qulissaanni-aqqanilissaanni tikittoqartalissasoq. Tamanna eqqunngilaq. Pilersaarut tamarmi aalajangersimasumik sapaatip akunneranut tikittoqartarnissaanik tunngaveqarpoq, soorlu ullumikkut taamaattoq.

Ilmanarporli Kommunip pisut marluk akulerukkai, tassa usit annertussusii annikitsut malitsigisaanik 2014-mi qaammatini siullerni pingasuni ullunik qulini-aqqanilinnik akuttus-susulimmik umiartornissaaq pillugu niuertunik RAL ullumikkut oqaloqateqarmat. Iisima-titsissutigineqarpoq umiarsuaatileqatigiiffiup atuisinnaassusia qaammatini siullerni pingasuni 30-40 %-imik annertussuseqassasoq naatsorsuutigigaa, akuttussutsillu al-lanngortinneratigut aningaasartuutit malunnaatilimmik RAL-imit appartinneqarsinnaallu-tik. Taamatulli allannguineq niuertut tungaanniit kissaatigineqanngilaq, umiarsu-aatileqatigiiffillu taamaattumik aaqqiinissaaq pillugu oqaloqatiginnilluni, illuatungeriinnut marluusunut pitsaanerpaajusinnaasumik. Oqaatigineqassaarli umiartornissamut pilersaarutip allanngortinneqarnissaa Naalakkersuisunit akuerineqartussaammat 2014 pil-lugu umiarsuit ingerlasarnissaannut pilersaarutip pingaernerup akuerineqarneranut ata-sumut.

Oqaluuserisaq 8. Nuummi sanaartortoqaqaaq, nunalli sinnerani sanaartugasaa-leqisoqarluni

Pingaarnertigut isigalugu nunatsinni suliffinnik pilersitsinissaaq Naalakkersuisunit kissaatigineqarpoq. Pitsaanerpaamillu taamaaliortoqarsinnaavoq aningaasaliinerit immi-nut akilersinnaasut naammassineqarnerisigut. Allakkami matumani soorlu allaaseri-neqartoq aningaasaliineq taanna imminut akilersinnaasutut annertuumik nalilerneqar-poq.

Peqatigisaanik eqqaaneqassaaq Nuummi, Sisimiuni imaluunniit Ilulissani taamatut an-ertututigisoq pisariisorlu pilersaarut sulisunit avataaneersut tikiseqqaarnagit naammassineqarsinnaannngilaq.

Pilersaarummi nunaqavissut sulisinnaasut annertunerusumik peqataatinnissaat siu-nertaralugu SIK-mik sulisitsisullu kattuffiinik Naalakkersuisut oqaloqateqarput, tassunga ilanngullugu ilinniarfissat il.il. qulakkeerneqarneri. SIK aamma GA, nuna tamakkerlugu kattuffiusut, Nuup avataani sulisinnaasut pilersaarummi tassani sulilernissaannut ata-atsimoortumik Namminersorlutik Oqartussanik kommuninillu soqutiginnittuupput.

Sanaartugassaaqarpallaarnera pillugu apeqqummut tunngatillugu piffissap qanoq ilinera pilersaarusiernerlu apeqqutaapput. Qeqqata Kommuniata tassunga atatillugu taavaa 2014AIS-mi Nuup umiarsualivia aamma Naalagaaffiup Nuummi paarnaarussivimmik pilersitsinissaanut qaleriittoqartoq. Paasineqarpoq ingerlatsinerit taakku pingasut ata-

qatigiissarneqarsimangitsut, peqatigisaanilli naliliisoqarluni kingunissai Qeqqata Kommuniarini oqaatigineqartutut ilungersunartiginatik.

2014AIS eqqarsaatigalugu eqqunngilaq kommunimit allanneqartutut taamatut anner-tutigisut Nuummut tutsinneqassasut. Sanaartornermi aningaasat nunamut tamarmut agguarneqarnissaat qulakkeerniarlugit sulineq aallartinneqarpoq – pingaarporli sanaar-tornermi pilersaarummi aamma siunertaqartussaammat. Taamaattumik aningaasaliiner-nik innuttaasunut annertunerpaamik sunniuteqartitsisunik nassaarnissaq pillugu Nam-minersorlutik Oqartussat kommuninik oqaloqateqarput.

Oqaluuserisaq 9. Assartuineq pillugu Ataatsimiititaliarsuup sanaartornissamik takussu-tissiaa annikinnerusumik nalilerneqarpoq

Qeqqata Kommuniata oqaatigaa Nuup Umiarsualivia pillugu missingiutip Assartuussi-neq pillugu Ataatsimiititaliarsuup naatsorsimasaanit annertunerujussuummat, tamannalu tunuliaqutaralugu pilersaarutit immiut akilersinnaanera qularutigalugu. Pilersaarummi maannakkut suliarineqartumi pissutsit assingi Assartuussineq pillugu Ataatsimiititali-arsuup misissuineranut ilaangillat. Assersuutigalugu allaffeqarfiit kranillu ilaangillat. Aammattaaq ilanngunneqassalluni pilersaarut Assartuussineq pillugu Ataatsimiititali-arsuup pingaarnertigut inuiaqatigiinnut akilersinnaassuseqarneranut misissueqqissaar-nermik tunngaveqarunnaarmat ilanngussaq 1, akerlianilli Namminersorlutik Oqartussat peqataaffigisaanni pilersaarutitut anginerusunut nalinginnaasumik najoqqutassiat 2013-mi majimi suliarineqartut tunuliaqutaralugit inuiaqatigiinnut akilersinnaassusermik na-lilersuisoqarluni, soorlu aamma suleriaasissamik nutaamik piareersaasoqartoq. Misis-sueqqissaarnerit marluk taakku takutippaat suliniut suli aningaasaqarnikkut tunngavigi-ssaarluartoq.

Qeqqata Kommuniarini Assartuussineq pillugu Ataatsimiititaliarsuup siulittaasuanut, Christen Sørensenimut allakkat ammasut suli immiut akilersinnaassutsimut tatiginnin-nersoq aperineqarnera tunuliaqutaralugu ulloq oktobarip aappaani nalunaarpoq pilersaarutit tutsuiginartuuneranik suli naliliilluni. Imatut inermiivoq:

“Inuttut naliliinera tassaavoq Assartuussineq pillugu Isumalioqatigiissitap misissorneqartoq Nuummi umiarsualiviup allineqarsinnaanera aningaasaliinissamut pilersaarutini annertune-rusuni naammassineqarnissaanut qularnaannerpaat immiullu akilersinnaanerpaat ilagimmassuk.”


Oqaluuserisaq 10. Usit annertussusiinik missiliuineq paasissutissanik nutaanngitsunik tunngaveqarpoq

Eqqorpoq usit annertussusi 2,6 %-imik ineriartortillugit Assartuussineq pillugu Ataatsimi-ititaliarsuaq misissuinermini tunngaveqarmat. Ineriartorneq taanna misissuineri kingul-lerni (inuiaqatigiinnut akilersinnaassusianik nalilersuineq aamma suleriaasissamut pilersaarut) 1,5 %-imut iluarsineqarpoq pilersaarutillu takutillugu suli immiut akilersin-naasasoq.

Oqaluuserisaq 11. Inuussutissarsiutitigut pitsaasumik ineriartortitsineq aallaaviginagu nuna naligiinngitsumik kisermaassisumillu aqunneqartoq aallaavigalugu usit annertus-silerneqarput

Taamaattorli oqaatigineqassaaq Nuummut usit annertussusii illoqarfinnut allanut usit annertussusiinut annertunerujussuummata. Taamaalilluni avannamut Nuummut ingerla-sut usit annertussusai illoqarfinnut allanukartut tamaasa katikkaanni annertoqatigigajak-kai.

Godsmængder i m³ til følgende grønlandske byer



Takussutissiaq 2 – 2012-imi assartukkat agguataarneri – Royal Arctic Line A/S-imi suliarineqartoq.

Oqaluuserisaq 12. Naalackersuisoqarfik RAL-ilu ilisimannillutik Nuup umiarsualiviani usit annertussusaannik pingaarnersuinerat

Qeqqata Kommuniata oqaatigaa Peqqissutsimut Attaveqarnermullu Naalackersuisoqarfiup (PAN) aamma RAL-ip salliutinniarsimagaat illoqarfiit allat pilliutigalugit ner-sutit nakorsaqaarnikkut killeqarfimmi nakkutilliivik (BIP) Nuummiissasoq. Tamanna eqqunngilaq. Siullertut PAN suliami tassani peqataangilaq taamaallaat tusarniaanermi akissuteqarsimalluni. Nunanut allanut tunngassuteqartunut Naalackersuisoqarfiup suliaq tamanna akisussaaffigaa, tassami EU peqatigalugu ataqatigiissarneqartussaamat. BIP inuussutissarsiortunit taamaallaat akilernerqartarmat inuussutissarsiortut ki-simiillutik aalajangerpaat BIP sumiissanersoq. Inerpera tassaalersimavoq Nuummi pin-gaarnertut BIP-eqalerpoq Sisimiunilu immikkoortortamik BIP-eqalerluni.

Kommune aamma oqarpoq Nuummi aningaasaliinerit asuliinnaasut, tassami umiarsual-ivinngooq nuunneqassamat. Tamanna aamma eqqunngilaq. Umiarsualivik nuunne-qarniangilaq - taamaallaanuna containereqarfik nuunniarneqartoq umiarsualivillu pioreersoq atorneqaannartussaalluni. BIP taamaalliluni sulii atorneqarsinnaassaaq.

Aamma allaqqavoq PAN RAL-illu naalaganngorniat ilinniarfiata Nuummut nuunneqarne-rat iluanaarniarfigisimagaat. Tassani oqaatigineqassaaq PAN arlaannaatigulluunniit an-gallatinut naalagaarannngorniarfiat ilinniarfik pillugu pilersaarutini akuliutsinneqarsiman-angimmat – allaat tusarniarneqarsimanani. Aatsaat aggusti 2013-mi PAN-imi atta-veqarnermut immikkoortortaq Qitiusumik ilinniarfiit siulersuisunut ilannguppoq.

Oqaluuserisaq 13. Namminersorlutik Oqartussat aktianik piginneqatigiiffiutaa kisermaassiffiusoq aamma alla, ilaatigullu aamma Nuummi akuerisaasoq

Qeqqata Kommuniata oqaatigaa Namminersorlutik Oqartussanit 100 %-imik an-ingaasalersorneqartumik Nuummi aktiatigut ingerlatseqatigiiffimmik pilersitsinissaq Namminersorlutik Oqartussat tungaanniit salliutinneqarmat, nunallu immikkoortui allat umiarsualivimminnut mittarfimminnullu nammine akiliisussaallutik.

Tassunga oqaatigineqassaaq Nuup kisimi sanaartukkanut aningaasartuutai akiliinne-qarniangilluinnarmata. Kisianni eqqorpoq kommune ilisimatinneqarsimasoq Nuummi

umiarsualik utaqqeqqaarneqartariaqartoq Kalaallit Nunaanni umiarsualiviit allat ineriartortinniarlugit Namminersorlutik Oqartussat aalajanginninnerannik. Kommunip tamanna utaqqerusussimangila talittarfiliornertu nammineq aningaasalersorlugu. Namminersorlutik Oqartussat illoqarfinni nunaqarfinnilu umiarsualivinnut tamanut suli akisussaavoq, taamaalillunilu taakku ineriartortinnissaannut aamma akisussaalluni. Aamma Sisimiuni. Namminersorlutik Oqartussat Qeqqatalu Kommuneata suleqatigiisitaasa inerniliuppaat Sisimiuni umiarsualiviup allilerneqarnera inuaqatigiit eqqarsaatigalugit imminut akilersinnaassasoq, taamaammat ilimanaateqarpoq alliliineq taanna pingaarnersuinermit salliutinneqarsimassagaluartoq umiarsualivinnut pilersaarutinut aggersunut umiarsualiveqarnermut tamarmut tunngasumi suliarineqarsimassagaluarluni. Taamaalilluni allilerinermit nammineq akiliiniarnertik kommunip nammineq toqqarpar, Namminersorlutik Oqartussat nalunaaruteqarnissaannik utaqqerusunnginnamik.

Aammattaaq oqaatigineqarpoq kommunip nammineq pilersissimasaanut ingerlatseqatigiiffimmik Qeqqata Kommunian pilersitseqqusaasimanginnera naak tamatumunnga periarfissat pillugit Aningaasanut inatsimmi nalunaartoqaraluartoq.

Eqqorpoq ukiuni arlalinni aningaasanut inatsimmi oqaasertaliussaniimmaat piumasaqaatigineqartut tamanna ajornartinnigippassuk umiarsualiviup ingerlasup aktiatigut ingerlatseqatigiiffimmik aningaasaliisoqarnissaannik periarfissaqartoq. Oqaasertaliussat atorineqanngisaannarsimapput, maannakkullu atorunnaarsinneqarsimallutik. Paarlattuanik umiarsualivik pillugu inatsimmi nutaami aktiatigut ingerlatseqatigiiffimmik pilersitsinnaaneq sillimaffigineqassaaq, soorlu Nuummi taamaattoqarniartoq.

Talittarfik nammineq sanaartorniagaq pillugu aktiatigut ingerlatseqatigiiffimmik pilersitsinissaq pillugu Qeqqata Kommunianit noqqaassut Aningaasaqarnermut Nunamullu Namminermut Naalakkersuisoqarfimmit itigartinneqarpoq. Tamatumunnga tunngavilersuutaasoq tassaavoq umiarsualivik pillugu ingerlatseqatigiiffimmik kisimi kommunip piginnittuunissaanut maannakkut inatsisitigut tunngavissiisoqannginnera. Tamanna umiarsualiviit pillugit inatsimmi nutaanik misilinniarneqalerpoq, aamma Namminersorlutik Oqartussaniit Qeqqata Kommunianut nalunaarut taamaattumik tassaasimavoq inatsisissat inissinneqarnissaat utaqqineqaaqartariaqartoq, aktiatigut ingerlatseqatigiiffimmik peqataanissamut isummertoqartinnagu.

Oqaluuserisag 14 Nuummi sanaartornissamut ataatsimoortumik aningaasaliissuteqareermermi akiitsut akilerneqareerpata, akit eqqortut atuutilissapput.

Qeqqata Kommunianit naammaginnartuutinnigilaa Nuummi umiarsualik Nunatta tamarmi akileeataaffigissappagu, Nuunngooq kisimi tamanna iluaqutigissappagu. Tassunga oqaatigineqassaaq containerileriffiup allineqarnissaa nunamut tamarmiusumut iluaqusiissimmat, ilaatigut assartuinerit sukkanerulersinersigut, tabel 1 naap., aamma siunis-sami usinut akit annikinnerusumik qaffanneqassallutik, takussutissiaq 1 naap.

Aammattaaq eqqaaneqassaaq aningaasalersuinissaq inaarlugi suli aalangiunneqanngimmat, taamaattumillu aamma aalangiunneqanngilaq usinik assartuinermit akit qaffannissaat qanoq aqqissuunneqassanersut.

Eqqaaneqartariaqarpoq usinik assartuinermit akinik aqqissuussisarnerup ukiorpassuar-ni atuussimasup Nuummi innuttaasunik salliutitsiniarsimangisaannarmat. Tassami akit eqqortut atorineqartuuppata Nuummut usinik assartuinermit akit appasinnerujussuuga-luarput. Akerlianilli nammaqatigiinnissaq toqqarneqarsimavoq nuna tamakkerlugi akit assigiikkannertinneqarlutik.

Oqaluuserisag 15. Attaveqarnermut Naalakkersuisoqarfiup, Kommuneqarfik Sermer-suup aamma Assartuineq pillugu Ataatsimiititaliarsuup siunnersortai nalaatsornikkut pisut

Nuup umiarsualivia pillugu sulinermit nakerisarsiuunnginneq Qeqqata Kommunianit uparuarneqarpoq, inuillu assigiinneri oqaatigalugit. Naalakkersuisut nalilinnigilaat Nu-ummi umiarsualivik pillugu inassuteqaatinut naleqqiullugu Assartuussineq pillugu Ataatsimiititaliarsuarmi sulisut arlaata inassisimanini iluaqutiginiarsimagaa.

Inussiarnersumik inuulluaqqusillunga
Med venlig hilsen


Aleqa Hammond

Ilanngussat ilanngunneqartut:

Ilanngussaq 1. Inuiaqatigiit aningaasaqarnerannut sunniuteqaatissat naliliiffigineqarnerisa eqikkarneqarnerat